



Optužnica protiv aktuelnih i bivših čelnika MKO LOK

Karić optužen za pranje novca!

Bivšeg direktora „Autocesta FBiH“ Tužilaštvo KS tereti i za zloupotrebu položaja zajedno s još četiri osobe • Među optuženima i Nedžad Beglerović

Tužilaštvo Kantona Sarajeva podiglo je jučer optužnicu protiv Ensada Karića (SDP), bivšeg direktora „Autocesta FBiH“ i bivšeg čelnika Mikrokreditne organizacije (MKO) LOK. Optužnica Karića, kao tadašnjeg direktora LOK instituta, Nedžada Beglerovića, Zaima Smajovića, Alema Beganovića i Nedžada Muhovića tereti da su počinili krivično djelo zloupotrebe službenog položaja ili ovlaštenja i krivično djelo pranja novca.

Iz Tužilaštva KS saopćeno je da je optužnica podignuta i prosljeđena na potvrđivanje Kantonalnom sudu u Sarajevu nakon oko-

nčane opsežne krivične i finansijske istrage.

„Dnevni avaz“ o istrazi protiv Karića pisao je još u maju 2014. godine, kada je i donesena naredba o otvaranju istrage.

Naš list prvi je objavio vijest da je Karić zajedno s čelnicima LOK-a osumnjičen za pranje oko 4,5 miliona KM, koliko je tada Državna agencija za istrage i zaštitu (SIPA) navela u izvještaju koji je poslala 14. decembra 2012. Tužilaštvu BiH.

Istraga je pokrenuta zbog sumnje da su kupovinom nepostojećeg poslovnog objekta u Velešićima

čelnici LOK-a oprali 4,5 miliona KM. SIPA je izvještaj o počinjenju krivičnog djela najprije poslala Tužilaštvu BiH, ali je on prosljeđen Tužilaštvu KS, koje je istragu otvorilo početkom 2014.

No, sumnjive transakcije u vlasništvu LOK-a prva je primijetila i prijavila Agencija za bankarstvo FBiH. Prema podacima SIPA-e, MKO LOK u sedam sumnjivih transakcija uplatio je firmi „Ing Kaktus“ 4.565.201 marku.

U tadašnjem izvještaju SIPA-e, većina tog novca potom je uplaćivana na račune LOK instituta, čiji je direktor bio Ensad Karić, „Unis instituta“, „Unis promexa“,


„LOK investa“, „Unis Toursa“. Novac je u tri od sedam sumnjivih transakcija prebacivan istog dana.

Kasnije je novac korišten za zatvaranje kredita firmi u direktnom ili indirektnom vlasništvu Nedžada Beglerovića. Sve transakcije obavljene su putem više računa u različitim bankama. Bivši čelnik MKO LOK Nusret Čaušević, koji je bio osumnjičen u ovom predmetu, pronađen je prošle godine mrtav u svom vozilu. Policija je objavila da je riječ o samobistvu.

M.AŠČIĆ

Karić bez komentara

Komentar na podizanje optužnice jučer smo pokušali dobiti i od Karića. No, on nije odgovarao na naše pozive.



Karić: Bio na čelu LOK instituta



„Avaz“ još u maju 2014. godine objavio vijest o pokretanju istrage